

藥症忌宜

清·陳澈撰

藥症忌宜

中國中醫藥學院圖書館藏

中醫古籍出版社

據中國中醫研究院圖書館藏

舊抄本影印原書板框寬一〇〇毫

米高一二五毫米

藥証忌宜上

凡患此症者

宜服此藥

此原附有傷寒問答。

及星烈日記彙要。

今單行。

又匿籍致卷之十有陳激雪潭
居匿約八卷存。未卜即是此書否。

藥症忌宜

三山陳 澈編輯

風症諸暴強直支痛痙戾裏急筋縮皆屬於風真中
風猝僵仆口噤不言不省人事如遺尿直視口開手
撒汗出如珠屬不治證西北高寒之地有此東南無
之

忌破氣 下 吐 苦寒 酸飲 諸藥俱錄後
宜辛甘發散 峻補真氣

桂枝 附子 甘草 獨活 羌活 天麻

藥症忌宜風門

麻黃 防風 芎藭 細辛 藁本 牛黃

辛夷 白芷 蔓荊實 牡荊實 人參

黃耆 有痰加竹瀝 南星 半夏 薑汁

顙中風口眼歪斜語言蹇澀半身不遂口噤不言四肢不舉痰涎壅盛昏眊不省人事

忌汗 吐下 大忌破氣 溫熱 苦寒

及一切治風溼辛燥發散并開竅走真氣行血諸藥慎勿犯之犯之則輕必重重必斃

麝香 蘇合香 檀香 龍腦香 安息香

餘忌藥俱錄後

宜滋補 陽虛者補氣 陰虛者補血 陰陽兩

虛則氣血雙補 兼宜清熱降隆氣豁痰及保脾胃

天門冬 脾胃薄弱者勿多用 麥門冬 荊瀝 蘇子

括萎根 枇杷葉 貝母 霞天膏 橘紅

甘草 竹瀝 童便 梨汁 黃檗 次益血

於前藥中加胡麻仁 石斛 生地黃 牛膝

薯蕷 五味子 甘菊花 丹參 枸杞子

竹葉 鱉甲 兔絲子 何首烏 木瓜

山茱萸 芍藥 遠志 白茯苓 酸棗仁

青蒿 括婁仁 沙參 茯苓 巴戟天

柏子仁 人參 車前子 茯神 羚羊角

如便閉加肉蓯蓉當歸倍麻仁兼氣虛加人參黃
芪有肺熱者勿入人參

感冒風寒俗名傷風其症或頭疼身熱輕者則兩鼻
必塞兼流清涕必惡風寒或聲重或聲啞甚者痰壅
氣喘咳嗽

忌補氣 酸斂 閉氣 諸藥錄後

宜發散 辛甘 溫

芎藭

細辛

藁本

防風

甘草

荊芥

白芷

前胡

桔梗

紫蘇

薄荷

杏仁

傷風熱

忌同感冒風寒

宜辛寒

甘寒

發散

石膏

知母

甘草

竹葉

麥冬

前胡

桔梗

薄荷

葛根

桑白

久而不愈者屬

虛陽虛者加人參黃芪陰虛者加五味地黃倍

麥冬白芍

寒症諸病上下所出水液澄澈清冷癥瘕癰疽堅痞
腹滿急痛下利清白食已不飢吐利腥穢屈伸不便
厥逆禁固皆屬於寒凡中寒必本於陽虛

忌破氣 苦寒 下 甘寒 辛寒 諸藥錄後
宜補氣 散寒 辛甘 溫熱 輕者解表重者
溫補

桂枝 乾薑 麻黃 人參 附子 黃芪
傷寒冬月即病宜從仲景法

暑症諸病喘嘔暴注下迫霍亂轉筋身熱瞋鬱小便
濁赤皆屬於暑

忌破氣 升 復忌下 溼潤 辛溫 辛燥

熱散 閉氣 熱 諸藥錄後

宜清暑益氣 健脾 甘寒 甘溫 辛寒

酸寒 苦寒

黃連 香薷 葛根 石膏 知母 甘草

人參 黃芪 白朮 扁豆 神曲 橘皮

茯苓 木瓜 麥門 五味 白芍 白梅

烏梅

大約用清暑益氣湯香需飲生脉散凡病暑之人其氣必虛暑傷氣無氣以動故當補氣為本惟肺熱多火者忌參朮

中暑猝昏暈急以童便入即省

忌宜俱同暑

又方用絲瓜葉一片白鹽梅肉一枚并取核中仁共研如泥新汲水調灌立瘥兼治中暑霍亂有神

太陽病中暍 忌同暑

宜人參白虎湯有肺病不能服參者用竹葉石膏湯脾胃作瀉者水調六一散

霍亂見胃虛條內忌宜俱同暑

桂夏繇於脾胃薄弱胃家有溼熱及留飲所致忌同前 宜益氣健脾 酸寒 苦寒 淡滲

人參 半夏 白朮 橘皮 茯苓 扁豆

白芍 木瓜 澤瀉 兼服生脉散

溼症諸瘕強直積飲痞膈中滿霍亂吐下體重跗腫

肉如泥按之不起皆屬於溼經云地之溼氣感則害人皮肉筋脉故其病筋骨疼痛腰重痛不可轉側身重四肢不利溼在上病嘔吐頭重胸滿溼在中腹脹中滿泄瀉溼在下足腔跗腫脚氣癰瘡久不愈

忌溼潤

甘

鹹

諸藥錄後

宜散

滲泄

燥

辛

苦

木瓜

薏苡

蒼朮

石斛

萆薢

石菖蒲

茯苓

佐以防風葛根寒溼加半夏五加皮風

溼加獨活溼熱加黃蘗車前子木通甚者漢防

己

脚氣繇於溼熱

忌溫燥

濕熱

補氣

復忌破氣

升

諸藥

錄後

宜清熱

除濕

利小便

甘平

酸寒

苦寒

辛溫

淡滲

黃蘗

石斛

麥門冬

木瓜

茯苓

石菖蒲

木通

澤瀉

薏苡仁

萆薢

防己

車前子

燥症諸瀉枯涸乾勁皴揭皆屬於燥角弓反張筋攣
急不舒舌強不能言二便閉瀉口渴口乾舌苦皮膚
皴揭毛髮脆折津液不生血枯胃槁以致飲食不化
噎膈吐食

忌升散 破氣 下 辛燥 大熱 溫 藥

錄後

宜潤 益血 辛 甘寒 酸寒 鹹寒

有熱症者宜兼清熱

當歸 地黃 麥門冬 人乳 牛乳